

佛說灌頂隨願往生十方淨土普廣所門經

卷第十一

恭十一

東晉西域二藏帛尸梨蜜多羅譯

聞如是一時佛在鳩尸那竭國娑羅雙樹間
爾時世尊般涅槃時十方國土無央數衆天
龍八部悉皆悲號歎息禽獸雜類悉皆如是

來到佛所稽首作禮畢訖却坐世尊告曰若
有疑者今皆當問正覺滅度多所矜愍設有
問者爲究竟說

尔時他方國土有一菩薩名曰普廣從座而
起稽首作禮而白佛言四輩弟子臨終之日
若已終者願欲往生十方國土修何功德而

得往生

佛告普廣菩薩摩訶薩汝能愍念四輩弟子

及未來世諸衆生等問此願生因緣之福汝
今聽吾當爲汝而演說之

佛告普廣菩薩摩訶薩若四輩弟子若臨終
時若未終者願生東方香林刹者其佛號曰

入精進菩薩無央數國土莊嚴若人願生彼
者隨願往生

佛告普廣菩薩摩訶薩若有善男子善女人
等臨終之日願生東南方金林刹者其佛號
曰盡精進菩薩無央數國土莊嚴願生彼者
隨願往生

佛告普廣菩薩摩訶薩若有善男子善女人
等臨終之日願生南方樂林刹者其佛號曰
不捨樂菩薩無央數國土莊嚴若人命終願
坐彼者隨願往生

佛告普廣菩薩摩訶薩若有善男子善女人
等臨終之日願生西南方寶林刹者其佛號
曰上精進菩薩無央數國土莊嚴若臨終時
願生彼者隨願往生

佛告普廣菩薩摩訶薩若有善男子善女人
等臨終之日願生西方華林刹者其佛號曰
習精進菩薩無央數國土莊嚴若人臨終願
生彼者隨願往生

佛告普廣菩薩摩訶薩若有善男子善女人等臨終之日願生西北方金剛刹者其佛號曰一乘度菩薩無央數國土莊嚴若人臨終願生彼者隨願往生

佛告普廣菩薩摩訶薩若有善男子善女人等臨終之日願生北方道林刹者其佛號曰

恭行精進菩薩無央數國土莊嚴若人臨終願生彼者隨願往生

佛告普廣菩薩摩訶薩若有善男子善女人等臨終之日願生東北方青蓮華刹者其佛號曰悲精進菩薩無央數國土莊嚴若人臨終願生彼者隨願往生

佛告普廣菩薩摩訶薩若有善男子善女人等臨終之日願生下方水精刹者其佛號曰淨命精進菩薩無央數國土莊嚴若人臨終願生彼者隨願往生

佛告普廣菩薩摩訶薩若有善男子善女人等臨終之日願生上方欲林刹者其佛號曰

至誠精進菩薩無央數國土莊嚴若人臨終願生彼者隨願往生

佛告普廣菩薩摩訶薩若四衆男女臨終之日願生十方佛刹土者當洗浴身體着鮮潔之衣燒衆名香懸繒幡蓋歌詠三寶讚誦尊經廣爲病者說諸因緣譬喻言辭微妙經義

如電光不得久停故云色不永鮮當歸敗壞精誠行道可得度苦隨心所願無不獲果

佛復告普廣菩薩摩訶薩言十方妙土通洞無窮不可度量諸佛如來所居淨土亦復無量不可稱數今我於此大衆之中爲諸四輩

恭

三

未來之世像法衆生說是十方諸佛國土及佛名號不可稱說略演少耳普廣菩薩摩訶薩又白佛言世尊十方佛刹淨妙國土有差別不佛言普廣無差別也普廣又白佛言世尊何故經中讚歎阿彌陀刹七寶諸樹宮殿樓閣諸願生者皆悉隨彼心中所願應念而

至佛言普廣汝不解我意娑婆世界人多貪濁信向者少習邪者多不信正法不能專一心亂無志實無差別令諸衆生專心有在是故讚歎彼國土耳諸往生者悉隨彼願無不獲果譬如世間犯罪之人心中思惟望諸親禮畢普廣菩薩復白佛言若四衆男女若命未終若已終者我今當勸修諸福業得生十方諸佛刹也佛言善哉普廣隨意教導十方人也普廣菩薩詰四輩言若人臨終未終之日當爲燒香然燈續明於塔寺中表刹之上懸命過幡轉讀尊經竟三七日所以然者命終之人在中陰中身如小兒罪福未定應爲修福願亡者神使生十方無量刹土承此功德必得往生云者在世若有罪愆應墮八難

幡燈功德必得解脫若善願應生父母在異方不得疾生以幡燈功德皆得疾生無復留難若得生已當爲人作福德之子不爲邪鬼所得便也種族豪強是故應修幡燈功德諸命通者修行福業至心懇惻應代亡者悔過

衆罪罪垢即滅爲云者修福如餉遠人無不獲果譬如世間犯罪之人心中思惟望諸親屬求諸大力救其危厄今日燒香望得解脫爲云者稱其名號修諸功德以福德之力緣是解脫亦復如是迺生十方無願不得普廣菩薩又白佛言若人在世不歸三寶不行法戒若其命終應墮三塗受諸苦痛其人臨終方欲精誠歸命三寶受行法戒悔過罪疊發露懺謝改更修善臨壽終時聞說經法善師化導得聞法音欲終之日生是善心得解脫不佛言普廣若有善男子善女人等臨終之時得生此心無不解脫衆苦者也所以

卷第一

者何如人負債依附王者債主更畏不從求財此譬亦然天帝放赦閻羅除遣及諸五官同候之神反更恭敬不生惡心緣此福故不墮惡道解脫厄難隨心所願皆得往生

普廣菩薩復白佛言又有衆生不信三寶不行法戒或時生信或時誹謗或是父母兄弟

親族卒得病苦緣此命終或墮在三塗八難之中受諸苦惱無有休息父母兄弟及諸親族爲其修福爲得福不佛言普廣爲此人修福者七分之中爲獲一也何故尔乎緣其前世不信道德故使福德七分獲一若以云者嚴身之具堂宇室宅園林浴池以施三寶此

福最多功德力强可得拔彼地獄之殃以是因緣便得解脫憂苦之患長得度脫往生十

方諸佛淨土

普廣善薩復白佛言若四輩男女善解法戒

知身如幻精進修習行菩提道未終之時逢修三七然燈續明懸雜幡蓋請召衆僧轉誦

尊經修諸福業得福多不佛言普廣其福無量不可度量隨心所願獲其果實普廣菩薩白佛言世尊若四輩男女若臨終時若已過命是其亡日我今亦勸造作黃幡懸着刹上使獲福德離八難苦得生十方諸清淨上幡蓋供養隨心所願至成菩提幡隨風轉破碎

卷 潘頂十一

都盡至成微塵風吹幡塵其福無量幡一轉時轉輪王位乃至吹塵小王之位其報無量燈四十九照諸幽冥苦痛衆生蒙此光明皆得相見緣此福德拔彼衆苦悉得休息佛告普廣若四輩男女若行齋戒心當存想諸方僧不擇善惡持戒毀戒高下之行到

諸塔寺請僧之時次第供養無別異想其福最多無量無邊若值羅漢四道果人及大心者緣此功德受福無窮一聞說法可得至道無上涅槃

佛告普廣及大衆人民天龍八部諸鬼神等各各諦聽思惟吾言我今欲於此大衆中說那舍長者本昔因緣罪福之事此大長者居羅閱祇國恒修仁義飢窮乏者沙門婆羅門諸求索者悉欲供養無所遺惜父母大慳無供養心長者有緣行至他方晨朝澡洗着衣結束已畢跪拜父母叉手白言今有緣事往至他方有少財物分爲三分一分供養供給

父母一分珍寶施諸沙門及貧乏者餘有一分自欲持行父母言受於兒行後修諸福德若有人來從求索者悉當施與於是長者便辭父母遠至他方如是去後父母邪見無念子心婆羅門沙門及貧乏者往從乞丐慳貪邪見無施與心子行去後若干日數應還到舍父母計其應還歸家住到市所取諸羊骨頭蹄膏血果蓏雜殼持散家中那舍長者從遠方還見其父母歡喜無量接足禮拜問訊起居父母亦復歡喜踊躍語那舍言我於汝行後爲汝設福沙門婆羅門國中孤老貧窮乞者以汝財物悉施與之兒聞設福布施貧乏心大歡喜又語兒言我亦復請諸沙門設福始竟今日家中草穢狼藉猶未掃除兒見狼藉相貌如是信其父母爲設福德倍復歡喜踊躍無量久後之間父母衰老得諸病苦便即命終那舍即便殯斂屍骸安厝粗畢從父母命終轉讀尊經燒香禮拜歌詠讚歎無

恭六

一時廢竟于三七經聲不絕作是思惟我父母在世極憂念我多修福德今我又復請諸聖衆想我父母緣此功德故應往生十方刹土供養恭敬面見諸佛於是那舍忽得重病奄便欲死唯心上暖家中大小未便殯斂至七日後乃得蘇解家中問言那舍長者病苦如是本死今蘇從何而來長者那舍語其家言我數日中善神將我示以福堂無極之樂又到地獄靡不經歷眼中所覩唯苦痛耳今我又見餓鬼住處所生父母在中受苦見我來看悲號懊惱欲求勉脫不能得出我思父母在世之時大修福德

正意謂生天而反更墮餓鬼獄中受諸苦惱那舍長者說此語已向其家中懊惱流淚我今家中當作何方功德之力拔我父母使得解脫那舍長者又自思惟我父母昔病苦之時大修福德欲終未終及命終已然燈續明博經行道齋戒一心乃至三七未曾懈廢今我

父母而更生此罪苦地獄必當有意便問親族及諸耆宿耆宿答言我不了此深妙之事可往詔問佛世尊也於是長者便往佛所頭面作禮胡跪合掌而白佛言欲有啓請唯願世尊慈愍不憚佛言便說長者那舍說向因緣父母在世常修福德及命終後爲供三七

恭

灌頂十一

七

至安厝畢謂言生天而更墮在地獄之中已問者宿者宿不了今故問佛爲我決疑緣我重病奄便欲死七日乃蘇善神將我經歷地獄靡不周遍以是因緣得見父母在苦劇地獄修福如此而更墮罪不解所以今故問佛唯願世尊釋我疑網修何福業令我父母解脫厄難不遭患苦悉得生大對受自然快樂無極得涅槃道

佛語長者汝一心諦聽我之所說汝前欲行往至他方留財寶物與汝父母令汝父母修諸福德父母邪見欺誑於汝實不修福妄言爲作修諸福緣以慳貪故墮彼地獄長者聞

佛神口所說疑惑求除作如是言是我之過非父母各即於佛前代其父母悔過此罪慳貪之殃長者父母於彼地獄少得休息佛語長者今我借汝天眼使汝得見父母休息長者於是承佛威神見其父母皆得休息那舍長者又白佛言今者又當作何福業使我父母解脫彼苦佛語長者今諸聖衆安居三月行道欲竟可還家中作百味飲食之具種種甘美以好淨器盛持供養及好衣服種種華香金銀珍寶雜破供具以施於僧令汝得福使汝父母解脫此難不復受苦餓鬼形也長者那舍即如佛言還家供辦不違尊教作供養已緣此生天對受自然無爲快樂汝今欲見汝父母所生宮殿處不今更以我威神令汝得見不復生苦長者承佛威神之力見其父母生在天上諸天娛樂自在隨意無復障礙佛告長者罪福如是不可不慎如長者眼所見心所聞故言自作自得非天與人如長

者父母雖在餓鬼其罪小輕一切餓鬼受罪甚重不可具說長者父母其罪輕者有小福德扶接使余長者修福竟于三七於諸餓鬼受罪輕也所以然者前章中言若人在世不識三寶不修齋戒無善師教遇命已後兄弟父母親屬知識爲其修福七分之中爲獲一卷五十一

也是故長者父母有罪雖在地獄餓鬼之中受罪輕者緣修福故七分獲一今修福德供

養衆僧以是因緣解脫衆難故得生天

佛告普廣菩薩摩訶薩言若人未終臨終之日若已終竟又是終日父母親族知識朋友爲命終者修諸福德齋戒一心洗浴身體着

鮮潔之衣一心敬禮十方諸佛又當稱揚十方佛名別以華香供養諸佛可得解脫憂苦

之患得昇天上入泥洹道

佛告普廣菩薩摩訶薩言若未終時禮拜十方諸佛命終之人所生之處常得值佛千劫萬劫億萬劫數重罪之殃無不得脫亦復當

爲說是灌頂無上章句三世諸佛天中之天各皆順奉三世如來說是無上惣持章句普廣汝當諦聽我今爲汝及一切衆生諸病苦者若其臨終若已終竟復是終日聞此章句所主之處當得見佛不墮八難遠於惡道於是世尊在太衆中宣說諸佛無上章句即作偈頌而說之曰

波利富樓那 適利三舅陀 達舍尼羅伎

摩訶毗羅訶 伽帝三舅陀

毗陀摩佛帝

摩訶伽利波 波利婆彌伽

婆婆婁伽提

修鉢利富那

阿利那達摩

摩訶毗波提

帝利毗波伽

修勒波僧祇

醯帝三博義

摩訶三曼陀 阿陀摩羅尼

阿利摩羅多

毗鼓三曼陀 達尼怯羅陀

九

佛語普廣菩薩摩訶薩言是爲灌頂無上章

句畢定不二解除二者無量罪厄令遇命者得生天上隨心所願往生十方此大章句真

實之言在所生處常見十方微妙淨土若在

世時應當受持如是章句齋戒一心爲過命者七日七夜受行八禁長齋菜食禮敬十方諸佛世尊當發大誓願我獲得僧那僧涅諸衆生輦使證無上正真大道

爾時世尊說是語已告諸大衆善男子善女人等及天龍八部一切鬼神汝等衆輦聞說

十方淨佛國土復聞說是那舍長者因緣非福生信心不普廣菩薩復從座起白世尊言說是十方諸佛淨土無量功德莊嚴快說復得聞是那舍因緣世尊又說衆事因緣甚善大善踊躍無量世尊說是多所利益後世衆生緣此解脫以爲軌則不復貪惜資生之物

聞此經言但生施心無所愛惜隨意施與貧乏使足國土豐饒施心平等如是漸漸積功

累德悉成佛

普廣菩薩又白佛言若四輦男女欲修學是願生淨土灌頂經典有幾事行得此經法佛言普廣有十二事可得修學是經典也一

者不信九十五種邪見之道二者堅持禁戒至終不犯三者勤學禪定教未學者四者忍辱不瞋見惡不惱五者常樂布施愍念孤老六者常勤精進晝夜不懈七者若行來出入朝拜塔像及諸尊長然後捨去八者合集衆人爲作唱導普得信心九者不貪世業衣服伎樂資生之物常好苦行依四依法十者行此法時無所怖望但欲利益諸衆生輦不於其中希人利養十一者至終不誦邪命自活十二者行此法時不擇富貴豪樂之人貧苦求者等心看之無有異想是爲十二正化之事時普廣聞此心大歡喜我當奉行至終不犯佛說經竟是諸大衆無不歡喜阿難因從座起演說法竟當何名之佛語阿難此經名爲普廣所問十方淨土隨願往生亦名那舍罪福因緣又名灌頂無上章句佛說是經已四衆人民天龍八部聞佛所說作禮奉行佛說灌頂隨願往生十方淨土普廣所問經

卷第十一

矜愍憐也居陵反
古定累也恤也
反罪覺許近反
地曰樹曰雜殼苦反
故反粗才古反
安厝下士也
向反餉詩向反
餉讀食也
向反果蓏郎下
也
向反怖表香
也
向反逕

佛說灌頂章句拔除過罪生死得度經卷第十二恭
東晉西域三藏帛尸梨蜜多羅譯
聞如是一時佛遊維耶離音樂樹下與八千
比丘衆菩薩三萬六千人俱國王長者大臣
人民及諸天龍八部鬼神共會說法於是文
殊師利法王子菩薩摩訶薩承佛威神從座
而起長跪叉手前白佛言世尊願為未來像
法衆生宣揚顯說往昔過去諸佛名字及清
淨國土莊嚴之事願為解說得聞法要
佛告文殊師利善哉善哉汝大慈無量愍念
罪苦一切衆生問此往昔諸佛名字及國土
清淨莊嚴之事利益一切無量衆生度諸危
厄令得安隱汝今諦聽諦受善思念之吾當
為汝分別說之衆座諸菩薩摩訶薩無央數
衆及諸應真國王長者大臣人民天龍鬼神
四輩弟子皆各嘿然聽佛所說莫不歡喜一
心樂聞

佛告文殊師利東方去此佛刹十恒河沙世